

REGIONALNI STAMBENI PROGRAM-RSP

Broj: 04-36-1-134-8482/13

Datum: 17.05.2018. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8294-1/13 od 15.01.2018. godine, a na Preporuku Komisije za javne nabavke, imenovane Rješenjem, broj: 04-36-1-134-8253-3/13 od 14.03.2018. godine, Projekt Menadžer **d o n o s i:**

O D L U K U **O IZBORU NAJPOVOLJNIJEG PONUĐAČA -** **usluge vršenja nadzora nad izvođenjem građevinskih radova izgradnje** **višeporodičnog stambenog objekta u Gradu Tuzla (34 stana)**

I

U cilju odabira najpovoljnijeg ponuđača, nakon provedenog konkurentskog zahtjeva za dostavu ponuda - usluge vršenja nadzora nad izvođenjem građevinskih radova izgradnje višeporodičnog stambenog objekta u Gradu Tuzla (34 stana), u okviru Regionalnog stambenog programa, kao najbolje ocijenjena prihvatljiva ponuda je ponuda ponuđača: **INDUSTROPROJEKT a.d. Prijedor, sa ukupnom cijenom ponude bez PDV-a u iznosu od 19.445,00 KM.**

II

Ponuđač iz tačke I ove odluke ocijenjen je kao najpovoljniji, jer ispunjava sve uslove postavljene tenderskom dokumentacijom, a u skladu sa kriterijem za dodjelu ugovora, ponudio je najnižu cijenu.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-8253-1/13 od 27.02.2018. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 31.919,00 KM bez PDV-a i predviđena je Planom javnih nabavki za 2018. godinu u okviru Regionalnog stambenog programa, pod rednim brojem 09/17 – RSP BiH3 Pod-projekat. Obavijest o nabavci, broj: 668-7-2-4-3-10/18 poslana je na objavu 27.02.2018. godine, te je zajedno sa tenderskom dokumentacijom, istog dana objavljena na portalu javnih nabavki.

Četiri ponuđača dostavila su ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Industroprojekt a.d. Prijedor, Ipsa Institut d.o.o. Sarajevo, Institut za građevinarstvo IG Banja Luka i Vizija d.o.o. Sarajevo.

Komisija za javne nabavke, imenovana Rješenjem, broj: 04-36-1-134-8253-3/13 od 14.03.2018. godine, izvršila je pregled i evaluaciju prispjelih ponuda i konstatovala da od ukupno 4 (četiri) dostavljene ponude, 3 (tri) su prihvatljive za ugovorni organ, a 1 (jedna) ponuda se odbacuje kao neprihvatljiva.

Ponuda ponuđača Vizija d.o.o. Sarajevo odbačena je iz sljedećeg razloga:

Ponuđač nije popunio Nacrt ugovora – Prilog 10, na način kako je zahtijevano tenderskom dokumentacijom, u skladu sa tačkom 14. cit...“Ponuđači su dužni uz ponudu dostaviti nacrt ugovora u koji su unijeli podatke iz svoje ponude, te parafirati sve listove Nacrta ugovora...”

Komisija je prilikom evaluacije ponuda, a uzimajući u obzir praksu u postupcima javnih nabavki, te na osnovu ranije donesenih Rješenja Ureda za razmatranje žalbi BiH, ponudu ponuđača Vizija d.o.o. Sarajevo odbacila kao neprihvatljivu, a u obzir su uzeta Rješenja Ureda, broj: JN2-01-07-1-424-8/17 od 16.08.2017. god (str. 10) i broj: JN2-01-07-1-541-9/17 od 21.09.2017. god (str. 10), u kojima se, između ostalog navodi, da se nepopunjen nacrt ugovora smatra neprihvatljivim, ako je popunjavanje nacrta ugovora traženo tenderskom dokumentacijom, što je slučaj u ovoj tenderskoj dokumentaciji, gdje je taj zahtjev jasno naveden.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-8417/13 od 10.04.2018. godine zajedno sa Preporukom da se donese Odluka o izboru najpovoljnijeg ponuđača INDUSTROPROJEKT a.d. Prijedor, sa registriranim sjedištem na adresi u ul. Vožda Karađorđa br. 14, Prijedor, ID broj: 4400687240009, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:


Protiv ove Odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Svim učesnicima u postupku
- Web stranica Ministarstva
- Grupa poslova za javne nabavke
- a/a



PO OVLAŠTENJU MINISTRA


Projekt menadžer
mr.sci. Amira Mašović